

X PROXECTO DIDÁCTICO ANTONIO FRAGUAS FRAGUAS



CONVOCATORIA 2016-2017

Convoca:

Organiza:

Patrocina:



Museo do Pobo Galego



XUNTA
DE GALICIA

Obxectivos

O labor docente e científico de don Antonio Fraguas, exercido durante décadas e a través de varias xeracións, constitúe unha referencia para a cultura galega. Seguindo na liña por el trazada, a Fundación que leva o seu nome pretende alentar entre a comunidade escolar un traballo sistemático orientado á educación patrimonial, ao coñecemento da lingua e do medio e á valorización dos máis diversos elementos do noso acervo cultural.

Con este efecto, a Fundación Antonio Fraguas Fraguas convoca a décima edición do proxecto didáctico encamiñado á realización dun programa de pescuda sobre o patrimonio etnográfico, antropolóxico, lingüístico, xeográfico, histórico e artístico do contorno inmediato entre os centros escolares de Galicia.

O Proxecto Didáctico Antonio Fraguas está integrado pola Consellería de Cultura, Educación e Ordenación Universitaria no Plan Proxecta.

Modalidades

Establécense dúas modalidades: ensino primario e ensino secundario. En cada unha delas elixirase un proxecto, que se ha desenvolver durante o seguinte ano lectivo.

O ámbito temático abranguerá un ou varios destes campos: etnografía, antropoloxía, xeografía, historia ou arte. Un capítulo ou alínea do traballo dedicarase a abordar algún aspecto lingüístico (toponimia, antroponimia, léxico, fraseoloxía...) relacionado co tema proposto.

Procurarase que nas sucesivas convocatorias se vaian diversificando os temas obxecto de estudo.

Dotación

Institúese un premio de 7.000 euros para cada modalidade. O premio dedicarase integramente á realización do proxecto, que pode incluír a adquisición de material escolar ou equipamento destinado a el. A aplicación do premio deberá comprender a elaboración dos materiais que plasmen o traballo realizado, presentados en lingua galega e no formato axeitado para a súa exposición.

O pagamento farase en dúas metades, un 50 % no momento da concesión e o 50 % restante á finalización do proxecto, cando se realice a exposición

Xurado

O Xurado estará composto polo Presidente da Fundación Antonio Fraguas Fraguas (ou persoa en quen delegue), o Director do Museo do Pobo Galego (ou persoa en quen delegue) e tres membros, designados pola Secretaría Xeral de Política Lingüística, a Dirección Xeral de Patrimonio Cultural e a Fundación Antonio Fraguas Fraguas, entre persoas de recoñecida competencia no ámbito das ciencias sociais. Actuará como Secretario, con voz e sen voto, o da Fundación.

Calendario

As candidaturas remitiranse á Fundación Antonio Fraguas Fraguas, San Domingos de Bonaval, 15703 Santiago de Compostela, ata o 31 de maio de 2016. Os equipos inscritos no Plan Proxecta que desexen presentarse ao Proxecto Didáctico Antonio Fraguas Fraguas deberán así mesmo remitir os seus proxectos de acordo coas estipulacións destas bases.

O Xurado emitirá o seu ditame antes do 20 de xuño. A resolución farase pública a través dos medios de información e comunicarse directamente aos centros interesados, que serán convocados para lles facer entrega da primeira parte do premio no decurso dun acto público.

O traballo iniciárase co ano académico e deberá estar finalizado e presentado para a fin do curso 2016-2017. No mes de setembro de 2017 organizarase a exposición dos seus resultados, quer no Museo do Pobo Galego, quer nunha institución axeitada dunha cidade ou vila de Galicia, que determinará a Fundación Antonio Fraguas Fraguas.

Documentación

Para optar ao premio presentárase unha memoria descritiva do proxecto que se pretende realizar. Estará redactada en lingua galega e fará constar a súa natureza, ámbito, temporización, orzamento e con expresión do colectivo implicado na súa realización.

Considerárase mérito a participación da comunidade escolar no seu conxunto (profesorado, alumnado, nais e pais) e a implicación da poboación. Asemade considérase positivamente o feito de se inscribir previamente no Plan Proxecta.

Desenvolvemento

O desenvolvemento dos traballos farase en coordinación co Museo do Pobo Galego.

Unha vez rematado o traballo, os centros gañadores deberán entregar á Fundación Antonio Fraguas Fraguas unha memoria final en soporte dixital. A memoria, redactada en galego, incluírá desde a metodoloxía utilizada para traballar, tanto desde o punto de vista pedagóxico como da propia investigación levada a cabo, ata as conclusións.

A Fundación resérvase o dereito de publicar os traballos premiados durante os dous anos posteriores á súa entrega. A partir dos dous anos, os traballos son da total propiedade dos centros que os desenvolveron, que terán a obriga de facer constar que estes foron premiados no *Proxecto Didáctico Antonio Fraguas* da Fundación Antonio Fraguas Fraguas.

Ao respecto da exposición síntese do traballo de investigación desenvolvido polos centros gañadores de cada edición, en calquera montaxe da mesma, farase constar nos créditos que esta se deseñou con motivo do desenvolvemento do traballo premiado na edición correspondente do *Proxecto Didáctico Antonio Fraguas* e a Fundación Antonio Fraguas Fraguas constará como patrocinadora dela.

TRABALLOS PREMIADOS NAS ANTERIORES EDICIÓNS

I EDICIÓN

O Mar, Colexio Público de Ensino primario de Xuño, Porto do Son
Obradoiro “Antonio Fraguas” de Cultura popular, Historia local e Medio ambiente, Colexio Público Integrado “Alfonso VII” de Caldas de Reis

II EDICIÓN

Os Hórreos do Concello de Ribeira de Piquín, C.E.I.P. Aníbal Otero de Ribeira de Piquín
Muíños de Auga no Concello de Foz, IES de Foz

III EDICIÓN

A toponimia do Val Miñor, C.E.P. A Cruz de Camos, Nigrán
O Patrimonio das Pesqueiras do Miño, I.E.S. Pedra da Auga de Pontearreas e I.E.S. Pazo da Mercé das Neves

IV EDICIÓN

Educaldea, C.E.P. Antonio Brea Segade de Taragoña, Rianxo
O Patrimonio, un recurso endóxico ameazado e esquecido, I.E.S. de Pontecaldelas

V EDICIÓN

As embarcacións tradicionais da comarca de Ferrol, I.E.S. Concepción Arenal de Ferrol
As fábricas da luz de Rechinol, Portodís e Portochao como exemplo de descoñecemento do noso patrimonio cultural, I.E.S. de Melide

VI EDICIÓN

As adiviñas na fala viva, C.E.I.P. A Cristina de Carballo
Ceibes no monte, I.E.S. Terra de Turonio de Gondomar

VII EDICIÓN

A imaxinación no peto, C.E.I.P. Gándara, de Sofán, Carballo
A evolución da agricultura e a súa incidencia no patrimonio inmaterial do Concello de Trazo, C.P.I. Viaño Pequeno de Trazo.

VIII EDICIÓN

Fortes da Guerra de Restauración en Vila Nova da Cerveira e Tomiño, patrimonio inmaterial. C.E.I.P. “Pintor Antonio Fernández”- Goián
Outear. I.E.S. Poeta Añón. Outes.

IX EDICIÓN

Lavadores. Pasado e presente da nosa parroquia, C.E.I.P. O POMBAL – Vigo.
A paisaxe lendaria e toponímica do Concello de Silleda, I.E.S. PINTOR COLMEIRO, Silleda.

Información

Museo do Pobo Galego
San Domingos de Bonaval
15703 Santiago de Compostela
teléfono: 981 583620 – fax 981 554840
correo electrónico: fundacionfraguas@musedopobo.gal
